

眼爲誰青。無根芝草原如此。入聽焦桐亦偶然。
怪爾清標能絕俗。汗泥會不染青蓮。東籬好結
歲寒盟。憑仗騷壇爲寫生。想像西窗人刻燭。淡香
孤影一簾清。吟君淚灑西風句。我亦庭闈繫夢
思。回首白雲迷望眼。故園腸斷倚門時。俊詩如
咏美人粧云。媚極翻嫌郎見慣。更從大士禮珠龕。
咏美人病云。清影不嫌消瘦甚。含顰猶向鏡中看。
中秋云。卻借浮雲輕隔住。多應怕露十分明。寄家

晉游日記

卷三

二

書云。爭似春來雙燕子。一年猶得一還鄉。秋懷云。
空庭寂寂長莓苔。滿地槐花已沒堦。涼月照人清
似水。一聲哀雁又南來。一夕寒威不可親。蕭蕭落
木遍城闌。爭知淚灑西風裏。猶有華顛望遠人。籬
根草畔亂蛩鳴。坐對寒燈夢不成。爲怕窗風修破
紙。偏來風外搗衣聲。一片天籟了無斧鑿之痕。其
深情遠韻。非儻父所能道其隻字也。和紅樓夢咏
菊詩。亦楚楚有致。

閏二月初一日。起程赴汾州。喜郎來署送行。詩以留別。西窗幾度說相思。共笑清狂杜牧之。回首春光渾似夢。櫻桃花下立多時。東風料峭日初斜。撩亂柔情一片賒。弱柳絲絲牽不住。祇留紅豆滿天涯。是日行五十里。宿晉祠。祠在懸甕山畔。晉人祀唐叔地也。樹木陰翳。樓閣聳峙。前殿供昭應水母。明璫翠羽。塑像儼然。唐叔祠在東北。中有泉。白石罅湧出。清流映帶十數里。稻畦蔬圃。胥資

晉游日記

卷三

三

灌溉。名不老泉。有虬松一株。老幹霜皮。形如屈鐵。中分爲二。一偃臥如浮梁。一凌霄作挈雲勢。蓋殷周時物也。流連勝境。爰紀以詩。東風吹綠回溪田。柳條裊裊縈絲鞭。兩月株守如夔屈。青山到眼何新鮮。一叢竹樹靄森鬱。危樓傑閣紛鉤連。行人指點懸甕曲。剪桐遺跡留千年。磴道盤紆躡雲影。石罅汨汨鳴流泉。水底燦爛金碧色。夕陽倒影迴波圓。蒼松一樹勢天矯。五丁擘處孤根聯。半體偃

蹇臥平地。幾枝突兀撐青天。摩挲不知何代物。使我懷古心茫然。流連勝境不忍去。四望漠漠生墟烟。山靈有知應寄語。去來信宿皆前緣。客子上馬僧閉戶。回首山月仍娟娟。

初二日。行三十里。至清源鄉。清源本縣名。今廢。城猶存。又四十里。至交城縣。又四十里。住文水縣。文水地產葡萄。色紫而皮厚。可以晒乾。土人插柳爲架。周環數十里。想見秋夏之交。綠雲繚繞。紫玉

晉游日記

卷三

四

纍垂。洵足觀也。

初三日。行三十里。至永安鎮。又三十里。抵汾州郡城。汾州於禹貢屬冀州。嗣後因革不一。或稱西河。或稱南朔。或稱介州。或稱汾陽。帶礪山河。肘腋秦晉。金鎖玉亭。膏壤沃野。民稱殷富焉。舊俗以介子推焚骸。遂於至後百五日。皆禁火寒食。魏武以北方沍寒之地。老少羸弱。百餘日寒食。將有不堪之虞。遂除其禁。至今土人於清明前一日不熟食。

其遺俗也。郭林宗介休人，其祠有蔡中郎所撰郭有道碑文，祠外有漢槐一株，大可十圍，枝幹扶疎，生意鬱然，懷抱靈椿，交互而生，如子母之相依。然林宗遊京師，還與李膺乘薄笨車，上大槐坡，觀者數百人，望如喬松之在霄漢。文潞公亦介休人，馬永卿嬾真子，載洛中士人張起宗以訓蒙爲生，居會節園側，年四十餘，一日行大內前，見有西來行李甚盛，問之，乃文樞密知成都回，姬侍皆

騎馬錦繡蘭麝充溢衢巷。起宗歎曰：我亦丙午生，乃相懸如此。旁有瞽者曰：秀才我試與汝算命，因藉地出算子，約百餘布，長丈餘，曰：諸事不同，但三十年後，兩人當對案而食者。九個月後，七十餘歲，潞公亦居洛，一日遊會節園，問其下曰：園側教讀者何人，以起宗對，命延至，詢其甲子，與已同，大喜，呼爲會節先生，每延客必召與俱，對案而食者，果九月，公子及甫知河陽，公往視之，及復歸洛，不復

召之矣。瞽言異哉。王世貞酒品云：羊羔酒出汾州，孝義等縣，白色澄澈，風味遠出襄陵之上。平遙一應試童子，陳姓名勣，按勣音孺，見昌黎毛穎傳，乃明視八世孫，以此命名，不知何所取義，甚矣人之好異也。

十五日，晤宋君其沅。宋汾陽人，學使歲試所識拔士也。甫髫齡，經史俱已成誦，今歲來應科試，詩文斐然成章矣。詩以贈之。濟濟登龍客，羣推小宋。

晉游日記

卷三

六

名氣凌秋月，皎聲愛鳳雛。清顧我傷遲暮，傾心畏後生。雲程九萬里，努力到蓬瀛。

十七日，試竣，起程赴平陽，行六十里，住義塘鎮。

十八日，行七十里，過韓侯嶺，又三十里，住仁義。

十九日，行三十里，至師莊，又三十里，住霍州。

二十日，行六十里，至趙城縣。縣爲趙簡子食邑，又三十里，住

洪洞縣。

二十一日，行六十里，抵平陽郡城。平陽東距太行。

西界黃河。南接梁宋。北連大鹵。有表裏山河之固。

地多古跡。如倉頡故宅。在西趙村帝堯茅茨土階遺

址。府城南十里為帝堯故里名伊邨禮城。城東相傳為二女釐降處擊壤處。城北

三康衢。城東五里雙闕。許由欲觀帝意謂堯曰帝坐華堂之上。面雙闕之下。榮願已得矣。

五府。唐虞祀五帝於五府堯井。貳宮。即館甥處歷年久遠。大

抵附會者居多。堯陵在府城東七十里。俗謂之

神林。元張翥字仲舉。晉寧人。肢體昂臧。行則竦

一肩。韓介玉以詩嘲之云。垂柳陰陰翠拂簷。倚闌

晉游日記 卷三

紅袖玉纖纖。先生掉臂長街上。十里朱樓盡下簾。

李寰建節晉州。其表兄武恭。性妄誕。好道。且愛

蓄古物。遇寰生日無餉。乃遺以箱。挈一舊皂襖。子

與寰曰。此李令公收復京師所服。願尚書一似西

平寰以書謝。後聞恭生日。亦挈一破膩脂幞頭。與

恭曰。知兄深慕高真。謹求得洪崖先生初得仙時

幞頭。願兄得道。一如洪崖。賓僚無不大笑。又有嘲

好古者。以市古物破家。遂為丐。猶持所蓄顏子陋

巷瓢號於人曰孰有太公九府錢乞一文與武恭
事正相類。江盈科談言浮山縣西南之任張村有仙

人張果墓在本村西額之半名柏林坡卽月山東
麓也邱壟宛然其後裔現居村之溝南莊去壟可
二里許云係果家舊址故老相傳其壟恆有異光
多於夜分時見遇太平則皎若曙星謂之萬年燈
順治二年翼城城東一民婦受娠後日漸黃瘦
胷鬲如有物不時發吐至六月忽嘔血數升隨吐

晉游日記

卷三

八

一小兒長半尺許耳目口鼻悉其康熙初年翼
城北關王牧龍妻姚氏產一女兒時能記前生事
問之輒應曰兒夫爲諸生食餼家饒富一妻二妾
兒居其三生二男一女夫頗嬖之一日夫他出與
次室某氏口角某氏批兒之頰忿極投繯死夫歸
悲甚鞭某氏幾斃兒女環泣之聲宛然在耳語殊
不經然出自三四歲女郎之口似非能造言欺人
者也羊祜取環非熊再生觀此益信鄉寧廣文

曹兆鳳安邑人徐后山柳崖外編記其丁酉領鄉薦歸里雇蹇走隘口見路旁堆金箔元寶大如小舟者數十詢諸其人曰還愿曹愈疑前行見一叟高丈許又詢之曰君自行路問此何爲用手一指連蹇跌落十餘丈層崖下客有乘馬來者見之命僕舁起覓得安邑便車尾送以歸過新橋南曹氏塋恍惚見其祖責之曰彼箔寶乃野鬼所樂何預爾事幸遇俠客救得不死今後宜慎言以保身可

耳此事余詢之廣文信然廣文精岐黃余兩次到平陽患病俱蒙醫痊人甚樸誠非妄言者吉州一生姓謝名不敏正可與應州之劣自謙作天然絕對也暇日覽帝京景物畧書爲前明麻城劉侗所編其記山川記橋梁記寺觀園囿以及市廛風物兒女遊戲之事歷歷如繪筆墨簡峭頗似柳州小記所載名園勝蹟今存者什無二三滄桑屢變俱埋沒於荒烟蔓草中矣是編已不行於世學

使偶於舊書肆購得之亦留心好古者歟其記燈市云絲竹肉聲不辨拍煞光影五色照人無妍媸烟霄塵籠月不得明露不得下真傳神筆也宋牧仲筠廊偶筆載劉同人會著南京景物畧記載必更有可觀其遺稿已散失不傳惜哉汾平兩郡多以貿易爲生利之十倍者無如放官債富人攜貲入都開設賬局遇選人借債者必先講扣頭如九扣則名曰一千實九百也以缺之遠近定扣之

多少自八九至四五不等甚至有倒二八扣者扣之外復加月利三分以母權子三月後則子又生子矣滾利疊算以數百金未幾而積至盈萬京師游手之徒代偵某官選某缺需借債若干作合事成於中分餘潤焉曰拉絳措大需次有年金盡裘敝甫得一官如貧兒暴富於是製赴任之行裝購上官之禮物狎優伶則需纏頭之費置姬妾則籌貯屋之資始猶揮金如土及憑限已促不能不俯

首於豪右之門。明知爲鳩毒也。而甘之。除奴僕之中飽。拉縉之侵漁。到手不過數千金。而負債已巨萬矣。可哀也哉。其次則設典肆。江以南皆徽人。曰徽商。江以北皆晉人。曰西商。吾輩八口嗷嗷。點金乏術。不得不傾箱倒篋。盡付質庫。伊乘其窘迫也。而魚肉之物。價值十者。給二焉。其書券也。金必曰淡。珠必曰米。裘必曰蛀。衣必曰破。惡其物所以賤其值也。金珠三年衣裘二年不贖。則物非已有矣。

贖物加利三分。錙銖必較。名曰便民。實閭閻之蠹也。其最下者。則趕脚畜健騾。馱行客。雖千金之子。不以執鞭爲賤也。其性畏強而欺弱。遇客之懦弱者。任意揶揄之。於南人爲尤甚。遇客之強暴者。則奴事之。鞭箠交加。甘心受焉。腰纏皮鞭。手拉騾尾。歌聲嗚嗚。日行百餘里。以爲常。計一歲足可行三萬里。囊橐所餘。歸奉細君。作脂粉費。數粉必和杏油。取其膩而光也。蓋晉俗男勞女逸。除富商大賈。

家無論凡窮簷陋巷之女。胥面有粉而髮有膏。習俗然也。若吾鄉農家婦。日夜操作。刻無寧晷。作新婦三日後。對鏡臨粧之日。已絕少矣。

三月十七日。試竣赴解州。行五十里。住趙村。

十八日。行四十里。至高縣。鎮名又三十里。住侯馬。地

屬曲沃。爲晉之故都。是夕。丁大尹招飲。丁名炯。

山陰人。時以垣曲令攝曲沃篆。負性磊落。以詩酒自娛。作吏逾十載。官弗遷。未嘗介意也。命花蕩侑。

晉游日記

卷三

三

觴中有名明兒者。色技雙絕。每歌一曲。潤圃與主人必浮一巨觥。東方旣白。餘勇猶可賈云。

十九日。行二十里。至隘口。又三十里。至東鎮。又三十里。住聞喜縣。

二十日。行四十里。至涑水頭。地爲司馬溫公故里。

其後裔俱式微。僅有入武庠者一人。又六十里。住運城。城本鹺使駐節之地。今鹽政已裁。衙署猶存。

二十一日行四十里抵解州。解州枕中條控蒲關。地稱形勝池玉碗瓊地不愛寶民生裕焉。其地無日不風而試院爲尤甚以近風洞故也。余居解梁旬餘狂飈怒吼聲不絕於耳。惟四月朔日凌晨偶得微雨風定塵清綠樹四圍黃鸝百轉此景得之解梁一歲中諒不多覩。春暮旅懷二首。隨意萍蹤水上浮。輕陰漠漠黯春愁。山含宿霧昏如夢。樹蔭涼雲翠欲流。幾日臨風裁白苧。誰家隔

晉游日記

卷三

三

雨閉紅樓歸心已負刀環約。芳草無情客漫留。鶯聲喚夢隔窗紗。忽忽閒居日易斜。夜雨連宵花作雪。春風三度客辭家。舊題難覓塵封字。官鼓頻驚晝放衙。已分飛鴻隨去住。漫將雪爪問天涯。初四日謁關帝祠。時值社會商賈雲集百貨俱陳。與吾鄉鄭州會畧同。見一買餅者以手顛簸良久。復用戥稱之。爭多競寡幾至相毆。足徵唐俗儉嗇。雖錙銖之利。性命以之。卽此類推。其致富良有

由也。

初五日解州刺史胡公邀同人觀劇有歌郎名希罕者姿態明媚釋其命名之義蓋以天生尤物世所罕覩云。

初六日自解州回省行二十里至野狐泉相傳呂仙逐一野狐至此而沒泉遂湧出土人因於山半建祠素稱靈應聞喜大尹四德因旱詣祠虔禱倏見

遙山生雲一縷未幾濃陰四合甘澤普霑又二十

晉游日記

卷三

十四

里住運城。

初七日行六十里至涑水頭又三十里住聞喜。

初八日行六十里至隘口又三十里住曲沃。丁大

尹是日招飲重遇歌郎明兒曼聲度曲流波迴盼四座神移竟忘夜已嚮晨次日主人殷勤挽留潤圃亦柔情眷戀余驅車先行途次口占四詩戲呈潤圃。和風輕逗柳腰斜玉立亭亭出絳紗。遮莫河陽花似錦十分春在一枝花。素手雙雙捧玉

盃曲中語劉郎何事意低徊。可憐十斛相思子。換得

明珠一串來。明郎遺潤圃弱絮隨風到處飛。天涯

回首素心違。櫻桃花下春無主。莫更重歌緩緩歸。

紗籠蠟炬淚盈盈。唱到陽關結尾聲。騎馬出門

天欲曙。曉風殘月不勝情。

初九日行五十里至蒙城。又二十里住史村。

初十日行二十里至趙曲。又四十里住平陽府。

十一日行六十里至洪洞縣。又三十里住趙城縣。

晉游日記 卷三 五

十二日行五十里至霍州。又六十里住仁義鎮。

十三日行七十里至兩渡。又五十里住介休縣。

十四日行八十里至平遙縣。又五十里住祈縣。

十五日行六十里至徐溝縣。又八十里抵太原。

跋

方占鴻漸指霄漢以翱翔豈效鴻冥甘泥塗之潦倒
乃以萱堂春永未遑拖紫紆青遂覺蓮幕風清斲爾
依紅泛綠標風流于晉水襄月旦于文衡青塚白登
古意潤江郎之筆雁門狐塞錦箋入李賀之囊有時
獎譽名流藥籠無非佳士到處低回曲部旗亭盡是
新詞或登王粲之樓或躡阮公之屐斷碑殘碣悉費
摩挲香草美人時深寄託採其風而問其俗事直等

跋

乎輶軒記以日而編以年陰欲惜夫分寸文本無心
而得非徒侈月露風雲景緣寓目而真且旁及山川
草木馳驅所至紀載攸存夫豈耳目未曾經而謂心
思可獨造耶今者遨遊稍憇水偶聚萍絢爛知歸泥
且霑絮杜少陵之細律珠已探驪李供奉之仙才斑
難窺豹雖屬片言隻句悉徵心實情華示我新編爲
君盥讀吳頭楚尾自慚印爪空留白雪陽春竊幸遺
音宛在夢繞雲山之外知君行役未忘神馳行墨之

間使我臥遊不盡

嘉慶丙辰夏六月中浣六泉弟周壽椿謹跋

君盥讀吳頭楚尾自慚印爪空留白雪陽春氣
音宛在夢繞雲山之外知君行役未忘神馳行墨之

間使我臥遊不盡

嘉慶丙辰夏六月中浣六泉弟周壽椿謹跋

跋

二

